


6 PLAN DE DINAMICA EDUCATIVA DERA VAL D'ARAN

au



CORS 2022/23

PRESENTACION

SINDICA D'ARAN



Era comunautat educativa aranesa a demostrat ath long des ans eth sòn dinamisme e voluntat entà aportar ara nòsta societat tota ua sòrta de valors que trascendíssen eth mon educatiu d'ua manèra estricta.

Coma sindica d'Aran pogui d'èder qu'ei un plaser veir que, un an mè, es Servicis

Educatus d'Aran presenten aquest 6au Plan de Dinamica Educativa qu'aufrís un amàs d'activitats e prepauses dirigides a non sonque educar en sentit academic, se non a balhar esturments e coneishements tara vida e tà desvolopar era capacitat e pensament critic que tant de besonh ei enes tempsi que viuem.

Era Escòla Aranesa compde damb 38 ans d'istòria pendent es qu'a estat un des èishi vertebradors dera societat aranesa, en tot èster clau tara normalizacion dera nòsta lengua pròpria, er aranés, e tà consolidar un modèl educatiu pròpri que damb eth temps s'a demostrat coma un modèl d'èxit. Generacions de màstres an format a generacions d'aranesi e araneses e les an transmetut valors, aspiracions e inspiracions. Pendent es darrèri dus ans, es ans dera pandemia, uns ans que demoraran tara istòria dera umanitat, es centres educatius e es sòns professionaus an auut d'afrontar ua situacion naua e complexa que les a obligat a reinventar-se e a èster resilients entà poder desvolopar eth sòn trabalh, en uns moments d'incertesa e inestabilitat.

Totun, a despièch des dificultats, eth sector educatiu aranés a sabut adaptar-se entà contunhar desvolopant eth sòn trabalh, e pròva d'açò n'ei tanben aquest Plan qu'auetz enes mans, que resulte un esturment important entà contribuir ara melhora e impuls der ensenhament en Aran.

En paraules deth president nòrd american, Abraham Lincoln, "eth coneishement ei era melhor inversion que se pòt hèr". Seguim invertint donc en saber, en comprèner e en discernir, pr'amor que sonque atau poderam arténher ua societat melhor entà toti.

Maria Vergés Pérez

*Magnifica Sindica deth
Conselh Generau d'Aran*

ENSENHADOR

PRESENTACION	
SINDICA D'ARAN	3
OBJECTIUS	5
PROPÒSTES	6
SERVICI EDUCATIU VAL D'ARAN E ALTA RIBAGORÇA (CRP VAL D'ARAN)	
LINHES PRIORITÀRIES	7
JORNADES E CONCURSI	8
PROJÈCTE COMUN DE LECTURA	9
MALETES VIATJAIRAS	9
CONSELH GENERAU D'ARAN	
SERVICI ARANÉS DE BENÈSTER E SALUT	13
SIAH-IGUALTAT, SAI-LGTBI	14
OFICINA DE JOENESSA	14
DEPARTAMENT DE TERRITÒRI, PAISATGE E GESTION AMBIENTAU	15
AIRAU DE POLITICA LINGÜISTICA	18
AIRAU DE PATRIMÒNI CULTURAU	19
ARCHIU GENERAU D'ARAN	19
ATENEU COOPERATIU DE L'ALT PIRINEU I ARAN	21
CENTRE DE DESVOLOPAMENT EN MONTANHA HÈPIC	24
BIBLIOTÈQUES	
BIBLIOTÈCA GENERAU DE VIELHA	26
MOSSOS D'ESQUADRA	
	27
ARAN FÒTO CLUB	
	28

OBJECTIUS

Eth 6au Plan de Dinamica Educativa dera Val d'Aran ei frut d'un trabalh hèt entre eth Conselh Generau d'Aran e eth Centre de Recorsi Pedagogics dera Val d'Aran deth Departament d'Educacion dera Generalitat de Catalunya.

Aguest Plan ei adreçat a toti es centres educatius deth territòri: Escòles Mairaus, Escòles d'Infantila e Primària e Escòles de Segondària, damb era finalitat d'aufrir e hèr a conéisher as centres, es activitats que s'amien a tèrme enes diferents entitats o institucions deth territòri, e aportar recorsi e iniciatives pedagogiques ara nòsta comunitat educativa.

Es propòstes d'aguest siesau Plan son estructurades pes diferents entitats collaboradores que se meten a disposicion des centres tà fomentar era participacion e arténher es objectius següents:

- Promòir er usatge der aranés.
- Desenvolpar iniciatives educatives que supausen un milhor coneishement e apropament ara nòsta realitat istorica, culturau, naturau e sociau deth parçan.
- Facilitar as mèstres e professors un sòrta d'activitats que se poguen includir ena programacion deth cors e que siguen motivadores entàs alumnes.
- Potenciar era implicacion des Institucions e Entitats locaus e deth territòri, atau coma de tota era comunautat educativa, enes activitats informatives e culturaus que s'organizen des des centres e des deth servici educatiu.
- Organizar activitats que faciliten era relacion d'escambi entre eth professorat e er alumnat des diferents centres educatius deth parçan.

PROPÒSTES

SERVICI EDUCATIU VAL D'ARAN E
ALTA RIBAGORÇA (CRP VAL D'ARAN)

CONSELH GENERAU D'ARAN

BIBLIOTÈQUES

MOSSOS D'ESQUADRA

ARAN FÒTO CLUB

LINHES PRIORITÀRIES DES SERVICIS EDUCATIUS ENTATH CORS 2022-2023

Entath present cors eth departament d'Educacion establís coma actuacions prioritàries: eth desplegament deth Plan d'Educacion Digital de Catalonha, eth refortilhament deth modèl lingüistic deth sistèma educatiu e eth desplegament deth nau curriculum d'infantila, primària, segondària e bachelierat en clau competenciau. Tanben mèrque era importància de planificar era accion educativa entà contribuir ath desvolopament des ODS.



Eth **Plan Digital** vò plaçar a Catalonha coma un territòri capdauantèr en usatge educatiu dera tecnologia entar exit educatiu e social, ath viatge que pretén melhorar era competència digital der alumnat, eth professorat e es centres educatius en marc dera transformacion educativa.

Eth principau objectiu deth **nau curriculum** ei promòir, enes centres educatius, situacions d'ensenhament-aprendissatge damb sentit. Aprèner damb sentit implique qu'és personas aprenents sapien mobilizar es aprendissatges aquerits entà respòner as principaus desafiaments que se traparàn ath long dera vida, era meta non ei sonque era aqueriment de sabers, senon aprèner a utilizar-les entà solucionar besonhs dera pròpia realitat.



S'apren damb sentit, quan apropam era escòla as situacions, qüestions e problèms reaus dera vida vidanta entà arténher ua societat mès justa e democratica, coesionada e inclusiva. Ua societat fundamentada en ua ciutadania critica, activa e constructiva, que dongue respòsta as aspiracions personaus e collectives.



Es **ODS** son es **objectius de desenvolupament sostenible**, includidi ena resolucio "Agenda 2030: transformar eth nòste mon", qu'eth seteme deth 2015 era Assamblada Generau des Nacions Unides aprovèc, entà definir era huelha de rota entà hèr front a rèptes globals dera umanitat. Aquest document identifique cinc grans airaus d'actuacion (persones, planeta, prosperitat, patz e partenariat), ath torn des

quaus i son es 17 objectius de desenvolupament sostenible (ODS) e es 169 hites entà arténher en orizon deth 2030, damb er objectiu finau de promòir era prosperitat ath viatge que se protegís eth mèdi ambient.

JORNADES E CONCURSI

X JÒCS FLORAUS ESCOLARS

ED. PRIMÀRIA e
ESO



Eth Departament d'Educacion convòque aquest concurs literari damb er objectiu de potenciar e estimular era expression e era produccion escrita dera mainadèra e joenessa e fomentar e difóner ua tradicion culturau pròpria deth país. Tanben i a ua categoria de condes audiovisuaus.

S'establiessen diuèrsi categories segontes eth nivèu educatiu e s'estructure en fases eliminatòries.

DATA: Primavera de 2023.

XIX CONCURS DE LECTURA EN VOTZ NAUTA

ED. PRIMÀRIA e
ESO



Era lectura e era escritura an d'èster objectiu d'atencion pendent tota era etapa dera educacion obligatòria. Organizat pera Fundació Enciclopèdia Catalana e eth Departament d'Educacion, es objectius d'aquest concurs son: saber liéger en votz nauta, saber escotar e potenciar eth gust pera lectura.

Cada centre pòt participar en concursos damb un escolan en cada categoria e damb un grop de tres escolans tara categoria de "Tropa de Corsaris".

DATA: Primavera de 2023.

XVI JORNADA INVEJOVE

BACHELIERAT



Jornada a on er alumnat de 2au de Bachelierat des Instituts deth Pirenèu e Aran presenten es sòns trabalhs de recèrca ar alumnat de 1èr de Bachelierat. Tanben i a ua conferència a cargue d'ua persona professionau en recèrca e era presentacion d'ua publicacion damb es trabalhs presentadi ena edicion anterioria.

DATA: Primavera de 2023.

SETMANA DERA SCIÈNCIA

2au
CICLE ESO

SC 22

Setmana de la Ciència

Laguens dera 27au Setmana dera Sciència, se realizaràn activitats a on era experimentacion scientifica e era tecnologia arribarà as estudiants prepausant rèptes e d'auti activitats entar alumant.

DATA: Deth 11 enquiath 20 de noveme de 2022.

JORNADA #100tífiques

6au Primària
1èr ESO



Damb era celebracion deth dia des hemnes e es mainades ena sciència, se desvoluparà era 5au Jornada #100tífiques. Consistís en charrades damb scientificas de referéncia entà prebotjar era sciència entar alumnat e especiaument enes mainades.

DATA: 11 de hereuèr de 2023.

PROJÈCTE COMUN DE LECTURA

ED. PRIMÀRIA e
ESO



Eth CRP, en colaboracion damb eth Departament de Cultura e Lengua deth Conselh, organize entath cors 2022-2023 eth Projècte Comun de Lectura sus **Josèp Sandaran**, a qui s'a dedicat er an 2022 proclamant-lo coma an Sandaran peth Conselh Generau d'Aran.

S'aufriràn desparières activitats e recorsi didactics, entà conéisher e trebalhar ad aguest autor aranés, as quaus vos podetz híger.

MALETES VIATJAIRAS

COEDUCACION

TOTI ES
NIVÈUS



Des deth CRP s'a premanit materiau tà trabalhar era coeducacion, en tot aufrir 6 maletes damb materiaus de lectura e jòcs entà totes es edats, que cerquen ua reflexion sus es ròls de genre e es actituds coeducatives. Se trebalhen diùrses dimensions dera perspectiva de genre (sentiments, emocions, descorbiments, pensaments, sensacions, condas e condaies).

EXPRESSART

ED. INFANTILA e
PRIMÀRIA



Er objectiu ei aufrir recorsi tà trabalhar ena aula er art contemporanèu e qu'era mainadèra prengue consciència dera sua capacitat d'expressar.

Eth projècte ei format per diferents prepauses didactiques e materiaus. I a objèctes tà trabalhar eth volum, tèxtes e imatges.

Entitat: MACBA. En prèst en CRP

MALETA FALHAIRE

TOTI ES
NIVÈUS



Falhes, haros, halhes e brandons.

Properament auram ara vòsta disposicion ua maleta damb materiau pedagogic des Hèstes deth huec des solsticis enes Pirenèus.

KIT RÀDIO

TOTI ES NIVÈUS



Eth Departament d'Ensenhament a creat aguesta maleta tà hèr un trabalh globau deth son ena aula.

Aguest equipament ei compusat per ua maleta damb ròdes e dus nautavotz autoamplificats tà poder sonorizar ua aula o eth pati.

MALETA FONOLÒGICA

ED. INFANTILA e
PRIMÀRIA



Er objectiu d'aguesta maleta ei aufrir recorsi tà trabalhar en Educacion infantila era consciència fonològica.

Compdam damb dues maletes, a on se pòden trapar 14 activitats o jòcs entà qu'era mainadèra practique es sues abilitats fonològiques e apréner naues estratègies.

ROBÒTS BEE-BOTS

ED. INFANTIL e
PRIMÀRIA



Compdam damb dues maletes que dispausen de tot eth materiau de besonh tà trabalhar damb es BeeBoots, ues abelhes fòrça divertides qu'ajudaràn ath nòste escolanat a entèner es principis dera programacion e eth pensament computacionau. Compdam tanben damb moquetes de desparières tematiques entà trabalhar damb aguesti robòts.

ROBÒTS EDISON

ED. PRIMÀRIA
e ESO



En aguesta maleta poiratz trapar robòts que son programables damb diuèrsi lenguatges: iconografics o ben damb programari scratch.

Permeten facilitar era comprenença deth lenguatge computacionau e es estructures logiques.

ROBÒTS LEGO

ED. PRIMÀRIA
e ESO



En aguesta maleta poiratz trapar amassa damb robòts lego, eth lenguatge de programacion de besonh entà trabalhar eth pensament computacionau damb er escolanat.

KIT micro:bit

ED. SEGÒNDARIA



En aguesta maleta auetz nau unitats de microbits entà trabalhar era programacion de manèra senzilha. Micro:bit ei un petit dispositiu informatic programable, damb er objectiu de facilitar e hèr divertit er aprendissatge dera programacion e eth contròl de dispositius fisics, com sensors e actuadors.

MALETA DETH CALCUL

ED. INFANTILA e
PRIMÀRIA



Un materiau premanit en CRP entà refortilhar competènciament eth calcul des dera educacion infantila, en tot facilitar estratègies de resolucio mentau o ben escrita. En aguesta maleta poiratz trapar materiau manipulatiu atau coma un caièr damb prepauses metodologiques.

MALETA DE MATEMATICUES MANIPULATIUES

ED. INFANTILA e
PRIMÀRIA



En aguesta maleta poiratz trapar materiaus complementaris manipulatius entà treballar era numeracion, eth calcul, es mesures, era geometria e era logica ena educacion infantila e cicle inicial.

MALETA LABORATÒRI DE MATEMATICUES

ED. PRIMÀRIA



Materiau deth CESIRE balhat a un centre cada cors, damb ua formacion especifica, entà experimentar damb es matematicues manipulatives e comprèner totes es dimensions a compdar deth treball damb es desparièrs elements: pentòminos, mètre cubic, Pattern Blocks, cubes encaishables, volums encaishables, poligons, geoplans, diagrama de fraccions de Freudenthal, eca.

MALETA MAQUINES SIMPLES

ED. INFANTILA e
PRIMÀRIA



Maleta damb ua dotzèa de maquinas simples entà experimentar damb es fòrces. Cada maquina va associada a ua ficha damb era sua descripcio e prepauses d'activitat. Tanben podetz trapar exemples entà includir eth treball des fòrces e es maquinas en prepauses globalzades entà toti es nivèus.



PROGRAMA SALUT ESCÒLA: “CONSULTA JOVE”

ED. SEGONDÀRIA
E POSTOBLIGATÒRI



Programa

salut
i escola



Generalitat
de Catalunya

Aguest programa a eth propòsit de potenciar era coordinacion des centres escolars, es servicis educatius e es servicis sanitaris en accions de promocion dera salut e era atencion der alumnat. Es objectius son:

- Apropar es servicis sanitaris as centres escolars e as joeni, a compdar dera “consulta jove” enes centres d’Educacion Segondària damb es maximes garantias d’intimitat.
- Facilitar era promocion d’actituds e d’abitudes saludables damb actuacions d’educacion entara salut.
- Redusir es comportaments que pòden afectar de forma negativa ara salut.
- Detectar damb precocitat es problèmes de salut ara fin d’intervier çò mès lèu possible.

Serà ua consulta que portaràn professionaus sanitaris. Serà plaçada en Institut e er orari d’atencion se determinarà peth centre.

CHARRADES, PRESENTACION E TALHÈRS

TOTI ES NIVÈUS

Eth servici de Pediatria, era equipa de lheuadors e era equipa sanitària d’Atencion primària e comunitària, prepausen hèr charrades, presentacions de tematiques diuèrses e talhèrs de diferents tematiques tàs joeni e joenes des centres. Se trebalhe:

- Era salut mentau
- Era salut afectiva e sexuau
- Eth consum de drògues legaus e illegaus
- Es transtorns dera conducta alimentària
- Alimentacion
- Abitudes saludables
- Eca.

DATA: Ath long de tot eth cors. A damana deth centre.

CONTACTE: Dra. Imma Caubet o Sra. Judit García ✉ jgarcia@aransalut.com

☎ 973 64 31 40

TALHÈRS DIUÈRSI, PREVENCIÓN DE VIOLÉNCIES E PROMOCION DERA IGUALTAT

TOTI ES NIVÈUS

Des des servicis deth SIAH (Servici d'Informacion e Atencion ara Hemna) e SAI (Servici d'Atencion Integrau) deth Conselh Generau d'Aran s'aufrissen diuèrsi talhèrs participautius a on se trabalhe (escuélher tematica):

- Era prevençion de violéncia de genre.
- Era prevençion der assetjament per rason de sèxe.
- Era prevençion der assetjament per rason de sèxe, orientacion sexuau, identitat de genre e expression de genre.
- Era promocion dera igualtat. Coeducacion e corresponsabilitat.
- Era identitat de genre, expression de genre e orientacion sexuau.

DATA: Ath long de tot eth cors. A damana deth centre.

CONTACTE: ✉ siah@aransalut.com ☎ 973 64 25 60



TALHÈRS-CHARRADES DE PREVENCIÓN DE CONSUM DE SUBSTÀNCIES TOXIQUES

ED. SEGONDÀRIA,
POSTOBLIGATÒRIS E
FAMILHES

Talhèrs e charrades informatives e preventives sus eth consum de substàncies toxiques e eth risc entara salut en consumir-les. Se trabalhen, es abiletats de besonh entà potenciar ua actitud critica e responsable deuant des drògues e estratègies e recorsi entà hèr front ad aguesta realitat.

DATA: Ath long de tot eth cors. Cau coordinar es dates.

CONTACTE: ✉ joenessa@aran.org ☎ 973 64 06 25

TALHÈR DE PROMOCION DERA SALUT E D'EDUCACION EN VALORS

ED. PRIMÀRIA,
ED. SEGONDÀRIA,
POSTOBLIGATÒRIS
E FAMILHES

Talhèrs participatius qu'an era finalitat de milhorar era salut (fisica, emocionau, sexuau) des joeni, mejançant accions de promocion d'abiletats e actituds saludables. Diuèrses tematiques:

- Salut afectiva sexuau (educacion sexuau)
- Intelligéncia emocionau
- Abiletats comunicatives

DATA: Ath long de tot eth cors. Cau coordinar tematica e dates.

CONTACTE: ✉ joenessa@aran.org ☎ 973 64 06 25

PUNT INFORMATIU DETH DIA MONDIAU DETH SIDA

ED. SEGONDÀRIA E
POSTOBLIGATÒRIS

Plaçament de punts damb materiaus informatius diuèrsi. Er objectiu ei informar ara joenessa sus era prevencion deth VIH, es malauties de transmission sexuau e es embarassi non desiradi e sus es accions de supòrt as persones, collectius, familiars o comunautats afectadi pera malautia e era sua estigmatizacion.

DATA: Setmana ath torn der 1 de deseme.

CONTACTE: ✉ joenessa@aran.org ☎ 973 64 06 25

DEPARTAMENT DE TERRITÒRI, PAISATGE E GESTION AMBIENTAU

ETH BÒSC E ERA HUSTA

ED.
PRIMÀRIA

Se tracten ahèrs coma:

- Eth territòri dera Val d'Aran des deth punt de vista dera vegetacion e en particular des sues montanhes.
- Es arbes forestaus, es sues malauties, com les mesuram, etc.
- Eth bòsc, qué ei, es beneficis que mos apòrten, tipas de bòsc, es trabalhs que se hèn en bòsc, etc.
- Era husta, tà qué servís? Deth bòsc enquia casa nòsta.

DATA: Ath long deth cors.

CONTACTE: ✉ g.arjo@aran.org ☎ 973 64 18 01

SANT FRANCESC D'ASIS, PATRON DES FORESTAUS

ED.
PRIMÀRIA

Activitat de descobèrta deth mon forestau e eth nòste entorn.

Ei ua activitat en que se volerie implicar a mainatges de Gausac, Aubèrt e Vilac pr'amor que son aguesti tres pòbles es qu'organizen aguest acte qu'ei plaçat ena sua montanha.

DATA: Octubre. **Lòc:** Plan Batalhèr.

CONTACTE: ✉ g.arjo@aran.org ☎ 973 64 18 01



AGENTS DE MÈI AMBIENT

TOTI ES NIVÈUS

Es agents ruraus aufrissen accompagnament as escolans enes gessudes programades des centres e enes activitats que se pòrten a tèrme ena natura que mos entornege e dant responsa ad aqueres qüestions o dobtes que pòden plantejar es alumnes pendent era gessuda.

CONTACTE: Sr. Francisco Bruna. ✉ f.bruna@aran.org ✉ g.vilo@aran.org

☎ 973 64 18 01

SEGUIMENT DES AURONGLES DERA VAL D'ARAN

ED. PRIMÀRIA e
SEGONDÀRIA

Coma cada cors, s'aufrís era possibilitat de desvolopar eth seguiment des aurongles des pòbles a on i a escòla. Aquesta activitat se realize damb eth supòrt deth materiau de seguiment des aurongles der Institut Català d'Ornitologia (ICO) e damb eth supòrt de VerdeBlu (Sara Arjó).

Era activitat compde damb un explic ena classa e dempús se continue damb era activitat en exterior, a on se cerquen e censen es nins d'aurongles enes carrèrs des pòbles.

CONTACTE: ✉ g.arjo@aran.org ☎ 973 64 18 01

ACCIONS DE SAUVAMENT DE PEISHI (PESCA ELECTRICA)

ED. PRIMÀRIA e
SEGONDÀRIA

Participacion en diuèrses accions de sauvament de peishi que pòrten a tèrme es agents ruraus deth Conselh Generau d'Aran enes arrius dera Val d'Aran. Es escolans poderàn conèisher eth motiu d'aguestes actuacions e veir d'apròp es animaues qu'abitèn enes nòsti arrius.

DATA: Pendent tot eth cors.

CONTACTE: ✉ g.vilo@aran.org ☎ 973 64 18 01

INTRODUCCION ATH MON DERA APICULTURA

ED.
PRIMÀRIA

Activitat teorica e practica, damb era finalitat de conéisher eth mon dera apicultura. Se hè ua introduccion teorica sus es abelhes e dempús se hè ua part mès practica sus eth materiau que s'emplegue e eth procès d'extraccion.

DATA: Pendent tot eth cors.

CONTACTE: ✉ g.vilo@aran.org ☎ 973 64 18 01

TAHÈRS: PRODUCTORS MARCA DE GARANTIA

TOTI ES NIVÈUS



Quauqui productors d'artesanària alimentària deth país e que formen part dera Marca de Garantia dera Val d'Aran, dauriràn es pòrtes des sòns obradors entà mostrar eth procès d'elaboracion des sòns productes artesanaus en lòc d'origina.

Er objectiu ei hèr a conéisher as estudiants non sonque es productes ja elaboradi senon tanben eth procès d'elaboracion e méter en valor aguesti productes alimentaris, manufacturadi e que mòstren ath delà era nòsta identitat: productes tradicionaus e aliments artesanaus qu'aprofiten era qualitat des recorsi naturaus que mos aufrís era Val d'Aran.

CONTACTE:

- **REFU BIRRERIA (Bossòst)** - David Serrano

✉ david@refubirreria.com ☎ 973 64 81 45, de 8:00-14:00 ores

- **HORMATGERIA TARRAU (Bagergue)** - Tònho Tarrau

✉ info@quesosdelvalledearan.com ☎ 604 11 61 76

- **CAVIAR NACARII (Les)** - Lorea Estala

✉ tienda@caviarnacarii.com ☎ 637 51 66 19.

ER OS RÒI EN PIRENÈU

TOTI ES NIVÈUS

Activitat teorica qu'a coma finalitat hèr a conéisher aspèctes der os ròi coma era sua biologia e abitat, qué minge e abitudes, era activitat que hè en cada epòca der an, quina ei era sua situacion en Pirenèu, accions que se realizen entara sua gestion, etc.

CONTACTE: ✉ g.vilo@aran.org ☎ 973 64 18 01

ETH TOUR DES ARRATS DROMILHÈRS GRISI

ED.
PRIMÀRIA

Conéisher d'apròp es arrats dromilhèrs grisi aranesi dera man de Lucia Gonzalez. Era activitat consistís en ua part teòrica “Que ne sabem des arrats dromilhèrs grisi?”, e ua part practica de revision e contròtle des estacions de cria deth Projècte Liró.

DATA: Octubre.

CONTACTE: ✉ l.gonzalez@aran.org ✉ g.vilo@aran.org ☎ 973 64 18 01

AIRAU DE POLITICA LINGÜSTICA

CORSI D'ARANÉS

PROFESSORAT

Corsi d'aranés de toti es nivèus: A1, A2, B1, B2 e C1 deth 2022-23. Entà hèr eth nivèu C1 ei indispensable auer eth nivèu B2 aprovat.

Era matricula se daurirà en seteme, començarà eth cors en octubre e acabarà en junh. A determinar era modalitat des cors; presenciau o virtuu.

CONTACTE: ✉ v.bares@aran.org ✉ m.ane@aran.org ✉ x.gutierrez@aran.org

☎ 973 64 18 01

CONCORSI E PRÈMIS

TOTI ES NIVÈUS



Ena tardor tanben se convocaràn es concorsi **32au Mn. Condò e 23au Aran de Literatura** e tanben eth **XVau de Diboish ena escola** e eth **dusau concors de cuertmetratges** qu'enguan non sonque serà adreçat as centre docents senon a tota era ciutadania.

CONTACTE: ✉ v.bares@aran.org ✉ m.ane@aran.org

✉ x.gutierrez@aran.org ☎ 973 64 18 01

PRESENTACIONS

PROFESSORAT



Enguan, se presentarà, tanben ena tardor, eth libre sus era vida e era òbra de Josep Sandaran, a qui s'a dedicat er an 2022 proclamant-lo coma an Sandaran peth Conselh Generau d'Aran. Eth libre ei elaborat de manera transversau per Airau de Lengua deth Conselh Generau d'Aran, er Archiu Istorik d'Aran, era istoriadora, Ma. Àngels Sanllehy e era arrèrhilha de Sandaran, Eulàlia Sandaran qu'a sauvat tota era documentacion de besonh sus aguest intellectuau canejanés que viuèc en Barcelona mès qu'escriuèc poesies en aranés e si guèc tostemp un enamorat deth sòn país.

AIRAU DE PATRIMÒNI CULTURAU

30 ANS D'AUTOGOVERN

ED. SEGONDÀRIA E
POSTOBLIGATÒRIS



Se prepausa ua visita adaptada entàs alumnes des nivèus senhaladi ara exposicion premanida tamb motiu deth 30 anniversari dera reinstauracion deth Conselh Generau d'Aran.

Era exposicion, hè un repàs as factors dera singularitat geografica, lingüistica e istorica dera Val d'Aran.

Ath delà des antecedents remòts deth Conselh Generau actau, eth tractat d'Emparança e eth pagament deth tribut en horment; er autrejament dera Querimònia o eth Conselh Generau istoric e era sua reforma en epòca modèrna (Armari des sies claus e sistèma d'eleccion per insaculacion) se dedique ua bona part dera expo a explicar çò que succedid dempús dera pèrta des institucions pròpies en 1834 e ath procés de recuperacion d'agüestes ath long deth sègle XX.

Era exposicion, de petit format, ei integrada per 8 pannèus, un video e objèctes de plan gran simbolisme coma eth Galin Reiau o es redolins e es bosses des ofics.

DATA: A concertar dates a inicis deth cors 2022/23 (seteme o octubre) en Mijaran.

CONTACTE: Elisa Ros Barbosa ✉ e.ros@aran.org ☎ 973 64 18 01



ARCHIU GENERAU D'ARAN

ED. INFANTILA,
ED. PRIMÀRIA
E FAMILHES

ES CAPLETRES DER ARCHIU



En tot aprofitar eth libret de produccion pròpria der Archiu Generau d'Aran e titolat "Es Capletres der Archiu" prepausam un talhèr. Agust se pòt hèr ena madeisha classa dera mainadèra.

En talhèr, eth personau der archiu, explicarà era origina des capletres, hètes a man o impresses, damb exemples de documents e libres que se consèrven en Archiu. En talhèr es alumnes pòràn trabalhar es capletres encolorint-les dempús dera explicacion. Des dera aparicion dera imprimaria, a viatges, es tipografs guarnissen es

libres damb capletres, en tot arribar a hèr vertadèras òbres d'art. Ei un trabalh minucios, s'observam es ilustracions des imatges qu'acompanhen era letra. A diferéncia des capletres manuscrites, iluminades e plies de colors, es impresses tostemps son en blanc e nere e pògui viatges se trape bèra ua en color.

Ei per tot açò que, en aguest talhèr, prepausam conéisher eth mon des capletres e deishar-vos portar pera imaginacion a traués des imatges de flors, animaus, bèth un d'eri mitologic, e personatges que se diboishèren hè mèts de 300 ans.

DATA: A concertar dates a inicis deth cors.

CONTACTE: Maria Pau Gómez Ferrer ✉ acvallaran.cultura@gencat.cat ☎ 973 64 25 69

VISITA ARA CASA DETH SENHOR

ED. PRIMÀRIA,
ED. SEGONDÀRIA,
POSTOBLIGATÒRIS



Er Archiu Generau d'Aran prepausa ua visita tara Casa deth Senhor. Era Casa deth Senhor ei un edifici bastit per Francisco Ademà Subirà en 1820. Pendent era visita ara casa, sedença intitucionau deth Conselh Generau d'Aran e der Archiu Generau d'Aran, coneisheram es familhes Subirà e Ademà vinculades ara casa; era arquitectura e mobiliari d'un edifici d'estil neoclassic en un petit pòble de montanha e eth document d'Era Querimònia, privilègi autreat per Jaime II as aranesi en 1313 e custodiat en Archiu Generau d'Aran.

DATA: A concertar dates a inicis deth cors.

CONTACTE: Maria Pau Gómez Ferrer ✉ acvallaran.cultura@gencat.cat ☎ 973 64 25 69

ETH PETIT MUSÈU DERA ESCÒLA D'ARRÒS

ED. INFANTILA,
ED. PRIMÀRIA
E FAMILHES



Er Archiu Generau d'Aran prepausa ua visita tath Petit Musèu dera Escòla d'Arròs e Vila.

Eth Petit Musèu dera Escòla vò hèr a conéisher com ère ua escòla rurau en un pòble dera Val d'Aran. Eth mobiliari, coma es pupitres, es mapes, eth taulèu e eth materiau escolar que se mòstren se recuperèren dera antica escòla deth pòble de Vila abans deth sòn esbauçament. En antic municipi d'Arròs e Vila i auie dus estudis. Eth prumèr ère

plaçat ena Casa deth Senhor d'Arròs e foncionèc enquiath cors escolar 1973-1974 e eth segon en ua bastissa deth pòble de Vila e barrèc eth cors 1966-1967.

Era activitat se pòt completar damb ua petita visita ara Casa deth Senhor, sedença intitucionau deth Conselh Generau d'Aran e der Archiu Generau d'Aran.

DATA: A concertar dates a inicis deth cors.

CONTACTE: Maria Pau Gómez Ferrer ✉ acvallaran.cultura@gencat.cat ☎ 973 64 25 69

FINANCES ETIQUES E SOLIDÀRIES

ED. SEGONDÀRIA E
POSTOBLIGATÒRIS

Conéisher era banca etica e es diferéncias damb era banca tradicionau entà reflexionar sus eth modèl economic e social qu'afavorim damb es nòsti sòs e era promocion d'un pensament critic e constructiu sus er usatge des sòs.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

ENERGIA SOSTENIBLE E TRANSICION ENERGICA

ED. SEGONDÀRIA E
POSTOBLIGATÒRIS

- Se treballharàn es principis basics dera Energia Sostenible e dera Transicion Energetica. Conéisher es principaus hònts Energetiques Sostenibles.
- Era energia democratica.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

ECONOMIA SOCIAL E SOLIDÀRIA

ED. SEGONDÀRIA E
POSTOBLIGATÒRIS

- Entà conéisher es principis e valors dera Economia Social e Solidària.
- Saber quines son es caracteristiques diferenciaus des empreses socials.
- Conéisher d'auti modèls empresariaus respectuosi damb es persones e eth mèdi ambient.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

ERA COOPERATIVA

ED. PRIMÀRIA,
ED. SEGONDÀRIA,
POSTOBLIGATÒRIS

- Entà conéisher era empresa sus era forma juridica de cooperativa e era organizacion d'aquestes.
- Conéisher es concèptes basics entà conéisher es principis cooperatius.
- Conéisher eth modèl cooperatiu.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

COOPERATIVISME. TREBALLAR EN EQUIPA?

ED. PRIMÀRIA,
ED. SEGONDÀRIA,
POSTOBLIGATÒRI

- Qué ei ua equipa?
- Quines competències cau entà treballar en equipa: autoconeishement, flexibilitat, intelligència emocionau, responsabilitat, compromís, comunicacion... Ròls en ua equipa de trabalh.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

EMPRENEDORIA: IDIES E ESFÒRÇ

ED. PRIMÀRIA,
ED. SEGONDÀRIA,
POSTOBLIGATÒRI

- En mon des empenedors. Toti ne poden èster?
- Coma gessen es idees? Espacis e competències que faciliten eth procès de creacion.
- Montam ua petita empresa.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

SENSIBILIZACION SUS ES DESIGUALTATS

ED. PRIMÀRIA,
ED. SEGONDÀRIA,
POSTOBLIGATÒRI

- Entà conéisher es principis e valors dera Economia Sociau e Solidària.
- Saber quines son es caracteristiques diferenciaus des empreses sociaus.
- Conéisher d'auti modèls empresariaus mès respectuosi damb es persones e eth mèdi ambient.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

EQUITAT DE GÈNRE E PERSPECTIVA FEMINISTA

ED. PRIMÀRIA,
ED. SEGONDÀRIA,
POSTOBLIGATÒRI

- Entà reflexionar sus era perpetuacion des ròls de genre e analzar era generacion d'asimetries.
- Hèr a conéisher era perspectiva feminista entà poder confrontar es desigualtats de genre.

DATA: Pendent tot eth cors, cau concertar.

CONTACTE: ✉ promeco@aran.org ☎ 973 64 18 01

VILAESCOOP, ETH SCAPE ROOM VIRTUAU E COLLABORATIU

ED. SEGONDÀRIA E POSTOBLIGATÒRS

Ei un nau estrument virtuu e didactic que permeterà er apropament dera economia social e solidària e eth cooperativisme ar alumnat d'ua manèra collaboratiua, divertida, dinamica e entreteinguda.

Eth jòc se dessenne pensant en aufrir ua alternatiua as sessions presenciaus. Ei un recors facilitador dera interaccion virtuu e que fomete eth trebalh en grop en tot presentar-se entàs joeni coma ua prepausa creatiua, innovadora, actuau e ludica.

DATA: Pendent tot eth cors, cau concertar.

CONTACTE:  promeco@aran.org  973 64 18 01


VISITA D'UA COOPERATIUA

ED. PRIMÀRIA,
ED. SEGONDÀRIA,
POSTOBLIGATÒRS

Visitar ua cooperativa o convidant ena aula a ua cooperatiua deth parçan, a presentar ua session divulgativa sus eth sòn foncionament, era organizacion e era sua activitat.

- Apropar ar alumnat as empreses cooperatiues deth sòn parçan.
- Mostrar experiéncias reaus d'emprenedoria cooperatiua.
- Conéisher es caracteristiques especificques deth trebalh cooperatiu e apréner es dinamiques deth mon laborau e empresariu.
- Visualizar era autoocupacion per miei d'ua cooperatiua coma gessuda professionau.

DATA: Pendent tot eth cors, cau concertar.

CONTACTE:  promeco@aran.org  973 64 18 01

CREACION D'UA COOPERATIUA

ED. PRIMÀRIA,
ED. SEGONDÀRIA,
POSTOBLIGATÒRS

Acompanhament expèrt entà crear damb er alumnat ua cooperativa, formada e gestionada per eri madeishi que, damb era collaboracion deth professorat, desvolope activitats productives e economicques damb er objectiu de véner productes o ben servicis.

- Potenciar er empeniment collectiu der alumnat a compdar dera creacion d'ua empresa cooperativa, damb era participacion e era implicacion der alumnat.
- Experimentar era realizacion d'ua activitat economica a compdar d'un modèl economic democratic e participatiu.
- Balhar as participaires activitats e procèssi que permeten méter en practica es procèssi cooperatius: democràcia, participacion, ajuda solidària.
- Identificar coma era economia social e cooperativa pòt èster ua airina entà refortilhar es projectes empenedors.
- Corresponsabilizar ar alumnat en un projecte que fomete era capacitat de decidir.

DATA: Pendent tot eth cors, cau concertar.

CONTACTE:  promeco@aran.org  973 64 18 01

CONCORS “SOM IDEES”

ED.
PRIMÀRIA

Un concurs d’idies emprenedores en encastre deth projecte “Som idees”, damb er objectiu de dinamizar e promòir era emprenedoria en nòste entorn, en tot participar er escolanat de cicle superior de primària.

DATA: Segontes convocatòria.

CONTACTE: ✉ promeco@aran.org ☎ 973 64 18 01

PRÈMIS TREBALHS DE RECERCA

POSTOBLIGATÒRIS

Prèmi tath milhor trebalh de recèrca, restacat damb era promocion dera economia social e cooperatiua en parçan. Prèmi tath trebalh de recèrca damb mès aplicabilitat en mon empresariu.

DATA: Segontes convocatòria.

CONTACTE: ✉ promeco@aran.org ☎ 973 64 18 01

CAPSULES FORMATIVES CEI

ED. SEGONDÀRIA E
POSTOBLIGATÒRIS

- Joguam a 10 jòcs entà que pogues empatizar e fidelizar a clients, seguidors e treballadors.
- Instagram, un hilat entà véner?
- Trionfa damb LinkedIn: cors exprès entà trèir eth maximun rendiment.
- Crear una comunitat a compdar d’Instagram.
- Coma èster motivat e arténher es tòns objectius personaus e professionaus.

CONTACTE: ✉ promeco@aran.org ☎ 973 64 18 01




CENTRE DE DESVOLUPAMENT EN MONTANHA HÈPIC

CHARRADES E PRESENTACION DE HÈPIC; ERA INNOVACION E ERA EMPRENIMENT EN ARAN

ED. PRIMÀRIA,
ED. SEGONDÀRIA,
POSTOBLIGATÒRIS

Eth Centre de Desenvolupament en Montanha HèPic, prepausa era realizacion de charrades as joeni deth territòri, en tot apropar era nocion dera innovacion laguens deth marc deth desenvolupament locau e territorialiu, e era importància dera empeniment a nivèu locau entà promòir un modèu de desenvolupament economic damb identitat, que dongue responsa as problematiques deth nòste parçan, en tot potenciar era Val d'Aran coma territòri damb un futur innovador.

DATA: Octubre – Noveme.

CONTACTE:  info@hepic-hub.org  l.gonzalez@aran.org  g.brito@aran.org

 973 64 18 01

CONCORS PROJECTES D'INNOVACION TERRITORIAU


ED. PRIMÀRIA,
ED. SEGONDÀRIA,
POSTOBLIGATÒRIS

En relacion damb es charrades, eth Centre de Desenvolupament en Montanha HèPic, prepausa era realizacion deth II CONCORS DE PROJECTES D'INNOVACION TERRITORIAU.

Concours per categories segontes era tematica, e desparièrs nivèus, adreçats as diferents edats, damb er objectiu d'apropar era resolucio de problematiques locals as joeni deth territòri mejançant era innovacion e era tecnologia.

DATA: Març 2023.

CONTACTE:  info@hepic-hub.org  l.gonzalez@aran.org  g.brito@aran.org

 973 64 18 01



BIBLIOTÈCA GENERAU DE VIELHA

CELEBRACION DES 21 ANS DERA BIBLIOTÈCA

TOTI ES NIVÈUS

Era Biblioteca Generau celèbre enguan eth sòn 21 aniversari e se portaràn a tèrme diuèrses activitats: Espectacle de condacondes, concors de microrelats e fotografies, charrades, presentacion de libres, eca.

DATA: Noveme. **CONTACTE:**  biblioteca@vielha-mijaran.es  973 64 07 68

SETMANA CULTURAU DE SANT JÒRDI

TOTI ES NIVÈUS

- Pendant tota era setmana auram visites escolares tà apropar un shinhau mèr ara mainadera ath mon des condes damb era istòria de Sant Jòrdi, les explicam condes e hèm un talhèr relacionat.
- Concors de twitter de condes encadeats: cream er inici d'ua istòria a trauès de twitter e es participants la poden contunhar.
- Espectacle de condacondes e presentacion de libres.

DATA: Abriu. **CONTACTE:**  biblioteca@vielha-mijaran.es  973 64 07 68

CONEISHEM ERA BIBLIOTÈCA

TOTI ES NIVÈUS

Pendant eth cors escolar concertam diuèrses visites escolares de totes es escòles dera Val d'Aran. Er objectiu d'aguesta activitat ei apropar a toti es escolans dera Val d'Aran ar usatge dera biblioteca com un espaci (d'abitud) a on trobar era informacion de besonh e gaudir deth temps de léser damb era lectura.

DATA: Dimèrcles ath long de tot eth cors. Cau concertar dia de visita.

CONTACTE:  biblioteca@vielha-mijaran.es  973 64 07 68

D'AUTI ACTIVITATS

TOTI ES NIVÈUS



- Activitats de promocion ara lectura.
- Exposicions tematiques entorn ath mon deth libre.
- Espectacles.
- Talhèrs manuaus.
- Charrades.
- Presentacion de libres.

DATA: Pendant tot er an. **CONTACTE:**  biblioteca@vielha-mijaran.es  973 64 07 68

CONEIHEM ERA COMISSARIA

ED. PRIMÀRIA

Visita ara comissaria dera PG –ME

CONTACTE: Fran Ortiz Navarro  itpg522@gencat.cat  973357285 ext. 63504



Data: Pendent tot eth cors.

CHARRADES EDUCATIVES

ED. PRIMÀRIA

- Internet Segura tara mainadèra.
- Internet Segura tà mairs, pairs e docents.
- Internet Segura. Era Cibercapucheta Vermelha.
- Mobilitat Segura en educacion primària.

Data: Pendent tot eth cors.



CONTACTE: Fran Ortiz Navarro  itpg522@gencat.cat  973357285 ext. 63504

CHARRADES EDUCATIVES

ED. SEGONDÀRIA

- Internet Segura tàs joeni.
- Internet Segura tà mairs, pairs e docents.
- Internet Segura: hilats sociaus.
- Internet Segura de Tu a Tu.
- Situacions de risc tà joeni.
- Drògues e Leis.
- Violència masclista. Com comence tot?
- Mobilitat Segura en Educacion Segondària.
- Mobilitat Segura en Bachelierat e CF grad miei.
- Talhèr Share

Data: Pendent tot eth cors.

CONTACTE: Fran Ortiz Navarro  itpg522@gencat.cat  973357285 ext. 63504



INICIACION ARA FOTOGRAFIA; RETRATS ENA NATURA

ED. PRIMÀRIA (CS) E
ED. SEGONDÀRIA



Talhèr entà déishar er usatge automatic dera camerà e descubrir es possibilitats der emplec manuau e bèri concèptes basics de fotografia.

PART TEORICA: Nocions basiques der emplec manuau dera camerà, nocions basiques de tipus de plans, nocions basiques dera lum naturau, tot comence volent condar ua istòria...

PRACTICA: Gessuda fotografica

- Talhèr destinat ad aqueri joeni e joenes que volguen déishar er emplec automatic dera camerà. Se pòt hèr damb camerà de mobil (que permete usatge manuau) e damb quinsevolh camèr que permete emplec manuau.

DATA: Pendent tot eth cors.

CONTACTE: Natalia Allievi  natalia.allievi@gmail.com  633 49 89 43

FOTOGRAFIA ES PARPALHÒLES DERA VAL D'ARAN

ED. INFANTILA,
ED. PRIMÀRIA E
ED. SEGONDÀRIA

Talhèr entà conéisher e fotografiar es parpalhòles dera Val d'Aran:

(se pòden seleccionar es continguts o priorizar-ne bèth un a demana e segons cicle)



- Taxonomia
- Caracteristiques dera poblacion aranesa; quantitat, diversitat e espècies miaçades.
- Es principaus parpalhòles dera Val d'Aran. Identificacion.
- Caracteristiques des parpalhòles; anatomiques, reproduccion e eth sòn cicle vitau
- Abitat e alimentacion
- Bèri conselhs entà poder-les fotografiar

*Aguest talhèr se pòt realizar amassa damb ua **gessuda guidada** entà observar e fotografiar parpalhòles, pendent es mesi de mai e junh. Damb quinsevolh camerà o mobil.

DATA: Tot er an. Acordar damb auança. Gessudes; mai, junh

CONTACTE: Pili Ares Carabias  mares2@xtec.cat  973 64 23 77

Talhèr entà conéisher e fotografiar es picasèrps (libellules) dera Val d'Aran:

(se pòden seleccionar es contenguts o priorizar-ne bèth un a demana e segons cicle)



- Taxonomia
- Caracteristiques dera poblacion aranesa; quantitat, diversitat e espècies miaçades.
- Es principaus libellules dera Val d'Aran. Identificacion.
- Caracteristiques des libellules; anatomiques, reproduccion e eth sòn cicle vitau.
- Abitat e alimentacion.
- Bèri conselhs entà poder-les fotografiar.

*Aguest talhèr se pòt realizar amassa damb ua **gessuda guidada** entà observar e fotografiar parpalhòles, pendent es mesi de mai e junh. Damb quinsevolh camèra o mobil.

DATA: Mai, junh. Acordar damb auança.

CONTACTE: Maria José González Hitos ✉ chikinnia@gmail.com ☎ 678 24 57 64

ORGANIZE



Generalitat de Catalunya
Departament d'Educació

Servici Educatiu Val d'Aran - Alta Ribagorça
CRP Val d'Aran

COL·LABÒRE



Conselh Generau d'Aran

